



Frá blaðamannafundi Kvinnalistas: Frá v. Sigríður Þorvaldsdóttir, Ingibjörg Guðmundsdóttir, Sigríður H. Sveinsdóttir, af Reykjaneslistanum, Þórhildur Þorleifsdóttir, Kristín Jónsdóttir, Margrét Rún Gunnarsdóttir, Sigrún Dúna Kristmundsdóttir, af Reykjavíkurlistanum. Mynd: - eik.

Stefna Kvinnalistas:

*Þriðji blaðamannafundur
Kvinnalista 29 mars 1988*

Mannleg verðmæti lögð til grundvallar

„Við viljum að sameiginleg reynsla og verðmætamat kvenna verði metið til jafns við reynslu og verðmætamat karla, sem stefnumótandi afl í samfélaginu. Við setjum á oddinn hugmyndir um kvenfrelsi, sem fela í sér rétt kvenna til að vera metnar á sínum eigin forsendum til jafns við karla.“

Svo segir í stefnu Kvinnalistas, sem kynnt var á blaðamannafundi í fyrradag, og sameiginleg er fyrir kvinnalistanana alla.

Ekki er hér rúm til að rekja stefnu Kvinnalistas að neinu ráði en benda má á að lögð er á það

áhersla að mannleg verðmæti verði fyrst og fremst lögð til grundvallar þegar ákvarðanir eru teknar í þjóðmálum. Barist verður fyrir bættum hag kvenna. Endurskoðun fari fram á skóla-, menningar- og heilbrigðismálum. Efnahagsstefnan verði miðuð við annað verðmætamat og aðra forgangsroðun en nú. Upp verði tekin stefna hinnar **hagsýnu húsmóður** þannig, „að Íslendingar geti í sem ríkustum mæli lifað á eigin framleiðslu og að við högum útgjöldum okkar í samræmi við tekjur“. Tækni og þekkingu verði beitt til þess að draga úr vinnuþrækkun og stytta vinnutímann **án kjaraskerðinga**. Íslensk stjórnvöld taki afstöðu gegn hvers-

konar misrétti og kúgun, gegn vígbúnaði bæði heima fyrir og á alþjóðavettvangi. Kjarnorkuvopn verði aldrei leyfð á Íslandi. Íslensk efnahagslögsaga verði friðuð fyrir kjarnorkuvopnum og umferð kjarnorkuknúinna farartækja og harðlega er mótmælt losun kjarnorkuúrgangs og eiturefna í hafid. Strangt eftirlit verði með starfsemi hersins hér á landi, dregið úr umsvifum hans og þjóðin verði honum óháð efnahagslega. Íslensk stjórnvöld skýri undanbragðalaust frá framkvæmdum hersins og herbúnaði og ákveðin svæði verði lýst kjarnorkulaus og njóti alþjóða viðurkenningar.

- mhg

Kvinnallistinn mótmælir ákvörðun Útvarpsráðs

Útvarpsráð hefur nú ákveðið hvert vera skuli fyrirkomulag kosningasjónvarps og útvarps vegna væntanlegra alþingiskosninga 23. apríl n.k.

Samkvæmt þeirri ákvörðun fær Kvinnallistinn 15. mín. til umráða í framboðskynningu í sjónvarpi 11., 12. og 13. apríl á meðan flokkarnir fá, hver um sig, 20 mín.. Hið sama gildir þegar setið er fyrir svörum hjá fréttamönnum í hljóðvarpi. Við hringborðsumræður í sjónvarpi daginn fyrir kjördag er Kvinnallistinn útilokaður.

Útvarpsráð rökstyður þessa ákvörðun sína með því að V-listinn

þjóði ekki fram í öllum kjördæmum og vísar til fordæma.

Lára V. Júlíusdóttir, umboðsmaður Kvinnalistas, hefur harðlega mótmælt þessari ákvörðun Útvarpsráðs og einkum því, að útloka listann frá hringborðsumræðunum. Telur umboðsmaðurinn hana brot á Útvarpslögum en í 3. mgr. 3. gr. þeirra laga segir svo:

„Ríkisútvarpið skal í öllu starfi sínu halda í heiðri lýðræðislegar grundvallarreglur. Það skal virða tjáningarfrelsi og gæta fyllstu óhlutdrægni gagnvart öllum flokkum og stefnum í opinberum málum, stofnunum, félögum og einstaklingum“.

Hér sé því um að ræða hreina mannréttindaskerðingu. Umboðsmaðurinn bendir á, að enda þótt V-listinn þjóði aðeins fram í 3 kjördæmum af 8 séu kjösendur í þessum kjördæmum 110.206 en kjösendur í landinu öllu 153.956 (Hagstofan). Hér sé því um að ræða mál, sem snerti 72% kjösenda.

Umboðsmaður V-listans telur þessa ákvörðun Útvarpsráðs glögg dæmi um miðstýringu og flokkseinræði. Flokkarnir ráði ekki einasta yfir dagblöðunum heldur tryggi þeir og völd sín í ríkisfjölmíðlunum og snúi þar bókum saman þegar hagsmunir þeirra séu í húfi. Og til þess að gera nýjum framboðum erfitt fyrir vli þeir jafnvel ekki fyrir sér að brjóta lög.

- mhg